

立退管字人林志聰緣於道光二年間與林大有合置黃德生東庄后湖田一所四至界址大租水份載在黃德生賣契內明白時聰出本銀壹佰元歷年所收租谷除納大租以外照本的利聰經收楚無異今因乏銀別用托中引向林大有出首承坐三面言定照原本銀壹佰元即日經中交聰收訖隨將合置黃德生田業付林大有前去歸管永爲己業此係二比甘愿各無反悔口恐無憑合立退管字一紙付執爲炤即日收過字內銀壹佰元正足訖炤

代筆人林元（花押）

爲中人林春（花押）

道光七年正月

日立退管字人林志聰（花押）

